

四庫全書

集部

欽定四庫全書

文苑英華卷九百七十

宋 李昉等 編

墓表

張法曹墓表一首

獨孤秘監墓表一首

權少監墓表一首

呂秘監墓表一首

柳侍御墓表一首

柳明府墓表一首

陸給事墓表一首

河南府法曹參軍張公墓表 獨孤及

有唐逸士吳郡張師冲和純粹辯博閑達卓犖好古儻

蕩逸羣官不近名唯代耕是謀

集作謀

貞不絕俗以忘機

為心秀才高第起家臨濮縣尉歷馮翊伊闕二縣主簿

貞元元年拜監察御史御史中丞鄭昊

集作昊

之擁旄濟

江辟為從事轉河南府法曹參軍凡歷官五政享年五

十八志懷樂道終始以之攘臂於壽

集作爵

祿聲利得喪

虧盈之間如浮雲無心野鶴獨立形全神全身與化俱

上元二年八月辛卯終于吳郡私第其孤惟儉惟靜能

稟謇訓弱歲皆精左氏穀梁春秋貌爾在疚零丁何怙
季弟祕書省正字曰從申迺茹天倫之哀謀及卜筮以
是歲九月二十八日權寔于虎丘山之西原禮也初公
祖捐之隋大業中進士甲科位至御史尚書水部郎捐
之生烈考法集作復以碩學麗藻名動京師亦舉進士自
監察御史為會稽令文雅之慶施於集作于後昆故擢秀
才而衣繡衣者及三公三葉君子以為榮少好學集無此字黃
老且修禪慧晚節傳集作持六經微言以遺三子三聖之

學不墜於地君子以為博恢諧不羈頡頏傲世視軒冕

纓紱無非

二字集作如

塵埃必也臨事能斷義形於色推賢

達善不進不止君子以為達當伊川啟戎歷陽為魚公

力窘身陷者至於再涵泳沸鼎厲揭橫流而跡無緇磷

憂患不能及君子以為智宜享黃髮而升青雲天乎降

凶殲我仁人嗚呼先生往無返期談藪清風詞林逸韻

墨池真草三事永絕凡今友朋可勝慟

集作痛

乎恐後代

丘壠將平川澤相失求遺跡者莫知德音之所始乃志

之以石永為靈表

朝散大夫潁川郡長史贈祕書監河南獨孤墓

表

前人

公諱某其先劉氏出自漢世祖光武皇帝之裔世祖生沛獻王輔輔生釐釐生定定生節節生丐丐生長子廣

嗣王位少

集作次

子廙仕漢為洛陽令廙生穆穆生進伯

為度遼將軍擊匈奴兵少援不至戰敗為單于所獲遷居獨孤山下生尸利單于加以谷蠡王之位號獨孤部

尸利生烏和烏和生二子長曰去卑為右賢王建安中

獻帝自長安東歸有李傕郭汜之亂左賢王率其部衛

車駕還洛陽

集無陽字

遂徙遷

集無遷字

許後

集後復

歸國卒次弟

猛代立生富

集作同

論富論生路孤路孤生眷眷生羅

辰從魏孝文帝遷都洛陽為司州洛陽人始以獨孤

字二

集作其

部為氏氏用勲伐賜爵永安公位征東將軍定州

刺史征東生萬齡官至廷尉諡曰貞廷尉生稽字延平

善左右射學窮金匱之與魏世祖初從平滑臺以功授

散騎常侍歷守冀定相三州時新定律令慎選廷尉徵
公拜焉再世為法官俱以廉平不苛顯名當時榮之加
鎮東將軍薨謚曰文鎮東生歸辯聰而才又為鎮東薨
贈太尉太尉生冀布顏以博學侍講東宮歷安南將軍
定州刺史贈司徒司徒生永業以文武為備佐齊王集
主入洛定鄴都督幽洛二州由行臺尚書令升司徒封
臨川郡王語在齊史臨川王生子佳在齊為勁武集
將軍在周為儀同三司在隋守懷朔集作清遠鎮握節死難

贈并州刺史并州生義順武德中歷戶部侍郎尚

集作民

書左丞光祿大夫封洛南郡公生左千牛備身諱元慶

公之祖也千牛生朝散大夫定州長史諱思陳公之禰

集作父也二十三葉之德善鍾其仁集作人於公公剛方廉

清貞信弘寬德充集作厚性和與四時氣侔非天下直道

不行非先王之法言未嘗言當出處去就之間非抑與

不苟求與朋友交非同道不苟合至若集無若字守王事臨

大節非其正雖臨以大兵不懼恪德危行居易中立不

可得而親不可得而踈讀書觀忠孝大略不探蹟索隱

五字集作
不索隱蹟

屬詞止乎禮義不主

集作
止

詠情性而已太極

元年詔舉文可以經邦國者宣勞使源乾曜以公充賦
時對策者數百人公與滎陽鄭少微特冠科首起家拜
同州郃陽縣尉歲滿授好時縣尉開元十四年玄宗初
登封太山注意二千石令長以煦嫗下民授公益州温
江令公治縣如治家明不至察威不至猛去煩苛繳繞
之政施德信禮刑以訓齊之温江人飲公之風化逋者

復疲者悅善者勸而不善者知恥益州刺史張敬忠以
狀聞詔授監察御史轉殿中侍御史會權臣惡直斥去
不附已者貶公廬州長史明年惡直者罷位公稍移武
功令未到官病免二十三年除寧州司馬二十八年遷
潁州郡長史初公為御史嘗以直忤吏部侍郎李林甫
至是林甫當國常欲騁憾於我而五府三署每有高選
羣公皆昌言稱公全才且各以臧文竊位自引由是免
咎然十年再選不離郡佐或勸公卑其道可以取容於

世公曰可卑非道也屈伸天也非人也人如予何天寶

元年加朝散大夫二年二月七日寢疾終于位春秋五

十七位不尊壽不遐志不行善不報與集作直虛語守

道者相弔以為痛是歲八月殯于郡東至德二年歲次

癸酉按通鑑目錄當作丁酉十月十四日權遷窆于洛陽龍門山

西岡大曆四年五月十二日詔贈祕書監命卿之位錫

於身後嗚呼哀哉夫人河南洛陽人也薛國長孫公覽

之玄孫咸陽丞諱頌集作頓集作府君之女右集作金吾將軍

諱子哲府君之妹稟天元和生知孝慈含德之厚與坤

體合執筭助祭四十餘載人莫見夫人喜怒之容躬勤

集作歡非順承動合集作禮經宗族以睦長幼以敘無言無

為化成于家公之加命服也夫人封雍集作丘縣君汜

等既孤夫人棄采蘋之度修釋氏教授正觀法于長者

比丘尼六字集作於上方服勤一年得四念處三昧視

去諸結猶棄涕唾至德二年隨子東征明年歲在甲戌

集作戊戌七月二集作二十四日終于會稽享年六十有四八

月某日權殞于雷門之南泥巨及正等遭天不弔無怙
無恃以世故坎墮不克遷祔者十一年矣欲報顧復天
胡有極今年問宅兆于前都水使者張係係卜甘泉東
伊水西甘泉鄉之原吉謹以歲次己酉秋七月壬午遷
公夫人靈坐合安厝于此原猶懼人世陵谷集作陵
谷世人之
不我期也故不敢不志集作
收於石以遺後嗣

祕書少監權君墓表

李華

君姓權氏諱皋字士繇天水人符秦尚書僕射之後世

為著姓祖某某官父某某官咸有令德君既冠進士及

第試臨清尉時節將

三字節浙本
文粹作持節

兼本道使籍君高名

表為薊縣尉充判官無何主將以逆節露君乃詐死使

一作

親涉江既免禍累知幾其神先帝聞而歎之除評

事御史方議大用屬太夫人病危將侍奉憂勞因中瘡

疾無何太夫人終君泣血三年厥疾用加外

一作服

除遷

起居舍人著作郎大歷元年四月某日不幸逝于丹徒

因殯焉享齡四十二嗚呼識者慟哭聞者痛心君有大

節不可奪大名不可掩大才不可及大行不可名天與

之仁不與之年哀哉自開元天寶以來高名下位華方

疾不能備舉然所憶者曰河南元君德秀元終十年而

南陽張君有略張沒二年而君失君

一作元是

之志如其道

德張之行如其經術君之才如其聲望其人淪其瘁乎

六字一作人倫其瘁

公素與昌黎韓幼深京兆王鎮卿洎華友善

韓評君曰可以為宰輔王評君曰可以為師保華評君

曰可以分天下之善惡一人而已矣夫人隴西李氏仁

賢有一子某生七年矣哀禮成人嗚呼有後哉朝廷贈

君以祕書少監悼賢也華因病風扶曳

浙本文粹作曳杖

而往

哭之嘗聞師乙之言溫良而能斷者宜歌齊權君可為

一作謂溫良而能斷者也故為齊風表君之墓云

忠於其

一作而

國孝於其

一作而

家潔而不滓瑜而不瑕仁

胡不壽為善者何君不幸耶時不幸耶

外王父贈祕書少監東平吳公神道表銘

梁 肅

公之先出自姜姓太公之胄也唐虞之際佐治洪水有

功以能為禹股肱心膂命曰有呂氏洎太公誓蒼雉

集作

矩平商收桓公責包茅匡周道傳國七百列于春秋漢

興以勲戚在侯服者二十人臨泗侯之孫通封于東平

其後國除為郡著族元魏末有汶陽公思禮者扶翼周

文開霸關右歷行臺右丞兵部尚書時魏分為西東中

夏擁隔遂居于河東今為蒲人也從尚書四葉生璉皇

朝晉陽令贈郴州刺史郴州之嗣曰仁誨以文學稱以

從父兄太一俱用射策科太一歷御史尚書郎中書舍
人戶部侍郎右庶子仁誨由成王文學轉岐王府屬累

遷右庶子金吾中郎將資州刺史除許州未拜而薨以

集無此
二字

孝行聞仕至太僕丞加朝散大夫太僕生公公

諱某字某少淳茂有志行居太僕府君憂泣血三年鄉
黨稱之制終治古文尚書左氏春秋二十舉孝廉補博
昌主簿歷任營丘文安二丞宣勞使以清白薦試守洛
水令公為政務仁恕去苛察密化旁流邑中移風再歲

正除加朝散大夫公性簡退不以善自名且不樂為吏
秩未滿移疾罷去居于濟源王屋山之陽常言君子之
道不從俗不離羣幼安抗跡而傲世慈明濡足以救民
曷若中行以全吾真由是逍遙樂道以漆園鶡冠之言
為師時閱歷代史究興敗治亂之端叅以立身行道之
義著書千餘卷集作號續呂氏春秋草藁未就屬寢疾
捐館享年若干時開元二十五年也永泰中嗣子某位
朝散大夫右贊善兼陳州刺史尋遷檢校祕書少監兼

徐州別駕因詣闕拜章乞迴所授賜命于先人詔追贈
公太子中允謝恩之際又以公所著書上聞遂改贈祕
書少監後十有三載歲在某辰某月日龜著龔吉始安
宅于某鄉里之原江夏郡夫人黃氏祔焉夫人漢太尉
琬之裔孫皇朝大將軍淮州都督虢國公君漢之孫沂
王府長史虢國公承源之女洪州刺史京兆韋同之甥
有溫仁孝愛之德觀義垂訓之美後公七歲而終公之
追命于是有江夏之贈嗣子祕書痛先君先夫人厭世

寢遠音徽將昧常欲立貞石傳德風蓄誠未申先是祖

謝小子再拜受命於太夫人且成伯舅集作陽之志恭論

外祖之烈以示後嗣楊暉傳太史之書久慙庸陋韓康

感中軍之愛空想生平道道字集作遺塵在茲乎集作于以表墓

文曰

赫赫有呂肇發于姜既協大禹亦亮武王營丘門地東

平傳嗣書之勲冊集作尚書之勲有焯名位中郎伯仲允迪斯

集作思貴實生祕書含道蘊粹仁為已任孝亦天至論經

斷一作八覽文參六義三邑之佐清恭廉貞鳴絃作宰休

有清聲退謀於道爰晦其明體順

集作柔

保和遺榮

集作身

入冥春闈中允蓬山二軾運往時來退榮隱德

集作守黑

振

彼集作振德

江夏光敷內則不及象服空垂燕翼太行之右

清濟之北外孫紀辭以志兆域

殿中侍御史柳公墓表

柳宗元

唐貞元十二年十二月庚寅葬我殿中侍御史河東柳公於萬年縣之少陵原公諱某字某邑居於虞鄉曾王

父某官王父某官皇考某官奕世餘慶叢而未稔濟德
流祉其後宜大秀而不實為善者惑嗚呼哀哉惟公敦
柔峻清恪慎端莊進止威儀動有恒常一作度英風超倫

孤厲貞方居室孝弟與人信讓當職強毅遊刃立斷自
少耽學頗工為文既窮日力又繼以夜鄉里擇推敦迫

上道乃與計偕來遊京師親集作概藝靈臺貢文有司射

策合程遂冠首科休有令問羣士羨慕居數年授河南
府文學教勵生徒進擇貢士儒黨相賀庶人觀禮袂滿

渭北節度延為參佐總齊軍政甚獲能稱加太常寺協
律郎既喪主帥罷歸私室方將脫遺紛埃退與道俱沖
漠保神優柔肆儒四方聞風交馳鵠書載筆乘輅乃作
參謀出入朔方陪佐戎車遷大理評事又加章綬朱裳
銀印宗黨有耀權略密勿潛機理

集作埋

照完彼亭堡時

其講教實從我謀鄰國是徼改度支判官轉大理寺司
直出納府庫頒給軍食下無橫斂黔首休息月校歲會
莫不如畫軍

集作庫

豐財羨制成計得又遷殿中侍御史

度支營田副使分聞之寄參制其半柔以仁撫剛以義
斷戎臣坐嘯公堂無事朝端延首方待以位既而祿不
及伐永政不獲專達以其年正月九日遇疾終於

集作於

私館享年五十嗚呼痛哉奔驥力中途跼足高鴻輕
舉在雲陸翼凡我所知哀痛無極本道節度尚書朔寧
王張公震悼涕慕不任于懷臨遣牙將試殿中監李輔
忠監備凶禮賄賂甚厚行軍司馬侍御史韋中規等匍
匐救助事用無闕丹旒素車歸于上京撰期定宅莫有

懋素故友諸生宗人外姻號慟會葬哀禮咸申克窆玄
堂掩坎廣輪顧盼無依徘徊增哀願勒休聲延垂後賢
於是汝南月君集作公相巢等相與琢石書德用圖不朽

文曰

抱元淳稟粹和既強毅又柔嘉登儀曹耀文章司學徒
儒風揚自渭北來朔方戎政閑黔首康冠惠文垂朱裳
才不施天茫茫刊樂石篆遺芳集作德延休烈垂憲則於

萬年長無極

弘農令柳府君墳前石表辭 前人

少陵原柳氏之大墓唐貞元十九年某月日孤某奉其
先府君洎夫人之喪耐于其位由新墓而南若干步曰
高祖王父蘭州府君諱某字某之墓又東若干步曰曾
祖王父邠州府君諱某之墓西若干步曰祖王父司議
郎府君諱某之墓咸異兆而相望昭穆之有位序壤樹
之有豐殺皆如律令府君諱曰集無曰某字曰某由父
任為太廟齋郎更許昌陽武伊闕華原尉王屋丞汝陰

令為弘農二年推其誠格于其人闢土生穀若有天相之道衣食給足故人不札天教厲明其故俗不爭奪遂以洽于太和事理克彰刺史盧杞加禮褒旌考績絕尤推君之政風于下邑命為吏部尚書郎庾河南授命黜陟狀君理績殊異宜升天朝帝有歎焉方圖優昇命用不長年五十五建中二年某月日卒于官以其素廉家之蓄不足以充凶事遂殯于是邑仍會危難至于今乃克返葬孤某常為黔州錄事參軍今無祿仕而

集有不志字

敢緩初君娶司農少卿京兆韋山之子

集作孫

涇陽主簿

迴智之女德容溫良大歷二年某月日卒于越而假葬

馬孤某徒行自越舉夫人之喪至於號舉弘農君之喪

咸至於墓窆焉既窆立石表於壙

集作墳

前示後之人以

無忘孝敬嗚呼世有難仕于外而葬其族者希矣孝子

之心有待駟馬五鼎而卒不至者焉若今之殺衣黜食

寒妻子饑僕御終身由之而志益不懈為旅人徒跣萬

里以厄困終事孝之難者歟五十而慕者舜也祿三

集無

此千鍾而悲者曾子也聖且賢難之若是今之人有由
字其道者得不立於世乎

給事中皇太子侍讀陸文通先生墓表

前人

孔子作春秋千五百年以名為傳者五家今用其三焉
秉觚牘焦思慮以為論註疏說者百千人矣攻訐狠怒
以辭氣相擊排冒沒者其為書處則充棟宇出則汗牛
馬或合而隱或乖而顯後之學者窮老盡氣左視右顧

莫得而本則專其所學以訾其所異黨枯竹護朽骨以
至於父子反集作傷夷君臣詆悖者前世多有之甚矣聖
人之難知也有吳郡人陸先生質與其師友天水啖助
洵趙匡能知聖人之旨故春秋之言及是而光明使庸
人小童皆可積學以入聖人之道傳聖人之教是其德
豈不侈大矣哉先生字某既讀書得制作之本而獲其
師友於是合今古散同異聯之以言累之以文蓋講道
者二十年書而志之者十餘年其事大備為春秋集註

十篇辯疑七篇微旨二篇明章大中發露公器其道以
生人為主以堯舜為的苞羅旁魄膠轕上下而不出於
正其法以文武為首以周公為翼揖讓升降好惡喜怒
而不過乎物既成以授世之聰明之士使陳而明之故
其書出焉而先生為巨儒用是為天子爭臣尚書郎國
子博士給事中皇太子侍讀皆得其道刺二州守一本
字人知仁一本永貞年侍東宮言其所學為古君臣圖
以獻而道達乎上是歲嗣天子踐祚而理尊優師儒先

作一本

化永貞年侍東宮言其所學為古君臣圖

無此

生以疾聞臨問加禮某月日終于京師某月某日葬于
某郡某里嗚呼先生道之存也以書不及施於政道之
行也以言不及繩集作其理門人世儒是以增痛動將
葬以先生為能文聖人之書通于後世遂相與謚曰文
通後先生集作先若干祀有學其書者過其墓哀其道
之所由乃作石以表碣一本無碣字

大苑英華卷九百七十

欽定四庫全書

文苑英華卷九百七十一

宋

李昉等

編

行狀一

中書令汾陰公薛振行狀一首

左武衛將軍成安子崔獻行狀一首

常州刺史平原郡開國公行狀一首

中書令汾陰公薛振行狀
楊炯

高祖德魏給事中黃門侍郎御史中尉散騎常侍直閣

輔國二將軍齊州刺史贈車騎將軍儀同三司華州刺
史謚曰簡懿曾祖孝通魏中書黃門二侍郎銀青光祿
大夫散騎常侍關西道大行臺右丞常山太守汾陰侯
贈車騎將軍儀同三司齊鄭二州刺史祖道衡齊中書
黃門二侍郎隋吏部內史二侍郎上開府儀同三司陵
邛潘襄四州刺史襄州總管司隸大夫皇朝贈上開府
臨河縣開國公父收皇朝上開府兼陝東道大行臺金
部郎中天策上將軍府記室參軍文學館學士上柱國

汾陰縣開國男贈定州刺史太常寺卿諡曰獻河東郡
汾陰縣薛振年六十二字元超狀昔者唐堯之協和萬
邦也有若四嶽之敬順昊天厯象日月虞舜之慎徽五
典也有若八元之忠肅恭懿宣慈惠和夏禹之分別九
州也有若咎繇之謨明弼諧允廸厥德殷湯之南征北
怨也有若伊尹之格于皇天姬文之受命作周也有若
虢叔之聞于上帝自唐虞而列考及秦漢而無譏元首
必藉於股肱方隆太平之化賢者必待於明主克致崇

高之業若夫驂駕六龍驅馳七聖斟酌元氣財成天道者其唯聖人乎引闡大猷發揮神化匡正八極阜成兆人其唯良宰乎我大唐之建國也粵若神堯明揚側陋文王協于朕卜迎太公於渭水高宗求于朕夢得良弼於傅巖若歲大旱以為霖雨若濟巨川以為舟楫者也公含天地之間氣依日月之末光能備九德兼資百行探賾索隱極深研幾齟齬集作髻亂之際羞言霸道詞賦之間已成王佐年六歲襲爵汾陰男十一太宗召見勅引

文館讀書十六為神堯皇帝挽郎十九尚和靜縣主高

宗升

集作建

儲之日也勅公為太子通事舍人二十二除

太子舍人高宗踐位詔遷朝散大夫守給事中年二十

六尋拜中書舍人弘文館學士三十二丁太夫人憂去

職起為黃門侍郎固辭不許脩東殿新書畢進爵

為侯公毀瘠過禮多不視事出為饒州刺史上夢

公徵為右成

集有武字

務四十復為東臺侍郎是歲也

放李義府于邛笮舊制流人禁乘馬公為之言左遷簡

州刺史歲餘上官儀伏誅坐詞翰

集作翰墨

往來徙居越雋

五十三赦還拜正諫大夫五十四遷中書侍郎尋同中

書門下三品兼檢太子左庶子五十九遷中書令車駕

幸洛陽詔公兼戶部尚書與皇太子居守俄以風疾不

視事高宗崩輿疾往神都抗表辭位至於再至於三詔

加金紫光祿大夫仍聽致仕以光宅元年季冬旁死魄

薨於洛陽豐財里之私第嗚呼哀哉公地藉膏腴姻連

戚里鼎湖長往拜卿子而為郎金榜洞開徵列

集作封

侯

而尚主遂乃彈冠筮仕策名委質叩天門於畫闕攀鳳

翼於紫林

集作宸

凡升右轄者一年居外臺

集作轄

者兩部

集作月

四遷門下二入中書用能變理我陰陽經緯我天

地鹽梅我寶鼎梁

一作楛

棟我宸極理百官而察萬人平

邦國而和上下借如風后天姥左右軒皇蕭何曹參謀

猷漢室未有一心事主四十餘年參兩宮而出入歷三

臺而陟降合其道也大壑縱其鯤鵬遇其時也名山出

其雲雨功成輔弼德邁幾深星象不憊方踐中台之位

山川並走竟遊東岱之魂天不憖遺民將安仰越翼日
詔贈光祿大夫使持節都督秦成武涇四州諸軍事秦
州刺史餘如故賜物四百段米粟四百石東園秘噐凶
事給儀仗至墓所往還司賓卿監護壘書弔祭別降中
使賜歛衣一襲雜物百段又詔陪葬乾陵依故事也公
襲封之年也受左傳於同郡韓文汪至天王狩河陽乃
廢書而嘆曰周朝豈無良相何得以臣名君文汪異焉
神堯皇帝婕妤河東郡夫人公之姑也每侍高祖

集作宗

詞翰高祖

集作宗

嘗顧曰不見婕妤經數日便謂社稷不

安其見重如此上幸溫泉射猛獸公奏䟽極諫上深納

焉後因閑居謂公曰我昔在春宮與卿俱少壯光陰倏

忽已三十年往日賢

集作忠

臣良將索然俱盡我與卿白

首相見卿歷觀書傳君臣共終白首者幾人我觀卿大

憐我亦記卿深公感咽稽首謝曰先臣早參麾蓋文

帝委之以心膂臣又多幸天皇任之以股肱誓期殺身

報國致一人於堯舜伏願天皇遵黃老之術養生衛壽

則天下幸甚賜金二百鎰公有事君之節也不亦忠乎
每讀孝子忠臣傳未嘗不慷慨流涕以為帝舜非孝子

朱虛

集作雲

非忠臣客有譏之者公曰寧有揚君父之過

而稱忠孝哉太夫人薨公每哭嘔血杖而後起上見公
柴毀泣曰朕遂不識卿卿事朕君父一致遂至於滅性
可謂孝乎中書省有一磐石隋內史府君常踞而草詔
及公揮翰躍鱗每見此石未嘗不泫然流涕公有至性

集作立身

之道也不亦孝乎其年脩晉史筆削之美為當時

最孝敬崩詔公為哀冊上

集有行字

幸九成宮勅皇太子赴

行在所置酒別殿享王公以下時太子英王侍皇帝酒

酒酣

集英王皇帝作太子侍酒酣是

公獻壽曰天皇合易象乾將三男

震坎艮今日是也上大悅百官舞蹈稱萬歲賜雜物百

段銀鏤鍾一枚吐蕃不庭詔英王為元帥總戎西討公

賦西征詩一首上稱善嗟嘆者久之因代英王

集作公

屬

和御筆繕寫朝以為榮公有屬詞之美也不亦文乎黃

門侍郎上疏薦高智周任希古郭正一王義方顧徹

集作

澹孟利貞等後皆有重名歷登清貫及魚左庶子又表

鄭祖玄沈伯儀賀覲

集作
覲

鄧玄掇

集作
是

顏強學崔融等

十人為學士天下服其知人公為右成務獻封禪書及

平夷策上深納焉或有抵罪者同類數百經赦令獄官

評經

集作
連

年不決竟以死論公上疏陳其濫詔百寮廷

議獄官及諸宰臣未有所決公酬對如響眾咸服馬上

歎息曰幾令我殺無辜之人百寮莫不震懼後

集作
又

上

疏陳情備塞垣未幾而匈奴背誕公有神通之鑒也不

亦明乎儀表魁傑鬚眉若畫身長七尺四寸望之儼然

喜愠不形於色雖至於近習左右胥徒僕妾莫不待之

以禮公有行己之方也不亦恭乎在集作饒州六年以

仁明馭下鄱陽北岡上忽生芝草一株郡人以為善政

所感共起一舍號曰芝亭因立碑頌德公有馭人之術

也不亦惠乎在邛都十餘載沉研易象韋編三絕賦詩

縱酒以樂當年有醉後集三卷行於世集作公有安和

集作排之德也不亦康乎上初覽萬幾公上䟽論社稷安

危君臣得失上大驚即日召見不覺膝之前席歎曰覽
御䟽若暗室而照天光臨明鏡而覩萬象此後寵遇日
隆每軍國大事必叅謀帷幄在中書獨掌機務者五年
出納帝命口占數百上曰使卿長在中書一夔足矣大
駕東巡詔公驂乘上曰朕之留卿若去一日若斷一臂
闕西事重一以委卿因賜物百段公有社稷之勲也不
亦重集作盛乎若夫有官功者賜其官族有大行者受其
大名公叔列國之陪臣猶安社稷黔婁匹夫之介節不

忘仁義古今以為通訓書籍以為美談况乎輔佐明主

集作君

寧濟天下生死無二始終若一業高於六相道貫

於五臣其生也榮同心比於周召其死也哀陪葬均於

集作乎

衛霍豈使易名之典不及於會同賜諡之文不傳

於終古門生故吏願述德音博士禮官佇聞清議是則

絲鍾之策降於皇魏之年王導之疏寢於中興之日謹

狀垂拱元年四月四日故中書令汾陰公府功曹姓名

謹狀

二字集作上

文昌臺考功竊聞生為貴臣車服昭其令

德死而不朽謚號光其大名今謹按故府主中書令汾

陰公贈秦州都督薛元超以王佐之才逢太平之會

集作

運撫綏萬國康濟兆人力牧輔軒皇未為盡善臯陶佐

大禹猶有慙德名遂身退生榮死哀羽父之請魯君抑

惟舊典衛侯之謚文子庶幾前列謹上

左武衛將軍成安子崔獻行狀 前人

祖弘壽隋獲嘉樂縣開國侯父萬善皇朝左監門將軍

持節隆州諸軍事守隆州刺史

按唐世系表弘壽左監軍夔嘉男萬善閬州刺

史上護軍安縣開國男諡曰信郡縣鄉里崔獻

獻字表作文

年六十七夫推其天命南端上將之文考其地靈北極

崆峒之武厭次有東方曼倩卓

集作早

達於孫吳瑯琊有

諸葛孔明深期於管樂貞觀九年起家太穆皇后挽郎

十六年授營州都督府叅軍事燕齊遼遠所以分置營

州天子命我以參卿軍事太宗文武聖皇帝把金鉞動

璇璣發四方

集作西上

之人爰整其旅問東夷之罪恭行天

罰公自家刑國資父事君樂王粲之神武棄班超之筆

硯一鼓作氣方輕肉食之謀七旬舞干始受昌言之拜
二十三年遷除王府西閣祭酒梁王武者漢皇之少子
廣東苑屬平臺則司馬相如所以騁其詞賦陳思王植
者魏國之天人遊西園擁飛蓋則邯鄲子叔所以為其
賓友永徽六年授晉州司士龍朔三年遷岐州司戶剪
桐垂棘珪璧相輝紫鳳寶雞休祥狎至從乾值異之風
土被山帶河之國邑邦君坐嘯方推太守之名鄰國從
遊始屈陪臣之禮尋丁外憂三年泣血一慟能使禽獸

莫觸其松栢神仙每留其玉石春秋忽變有君子之終
身金革不辭達賢人之俯就麟德元年有詔起公為左
威衛脩仁府左果毅都尉仍命羽林軍長上乘輿歷日
月步山川詳益地之圖書聽千雲之律呂長城十角盡
入提封高闕三襲並為州縣於是九姓抗表請築安北
府城詔公馳驛許以便宜從事則榮奉中旨計日期還
親降鑿輿待於故都樓上雖復東西萬里張博望之尋
河裝索千金陸大夫之使越猶未聞降星蹕迴帝車擬

於陶侃扣天門之八襲方於魯陽留白日於三舍若夫
類上帝徧羣神則孔宣父之所刊者五年一狩登泰山
禪梁甫則管夷吾之所識者十有二君秦皇致風雨之
迷魏后積貂羊之恥夫名山之所望非我后而誰哉是
以馭蒼龍控玉集作翠鳳陰陽不測發揮於作樂之文天
地無私揖讓於升中之禮公受陪祠汶上扈蹕梁陰列
藩衛於環星受嘉名於捧日與夫茂陵之下獨留符命
之書河洛之間不覩漢家之事豈同年而語也朝鮮舊

壤歌

集作歌

箕子之風謠斗骨危城屬阿孫之背誕地惟

孤竹不聞譙讓之名親則同株曾無急難之意特進全

唐書作泉

男生以蕭牆構孽蔓草方滋欲去危而就安思轉

禍而為福請歸有道所向

集作使者

相望天皇慙一物之推

溝詔公於國城內迎接先之以造化之大示之以雷霆

之威受其壁焚其櫬更徵侍子來朝京闕亦猶鄙生憑

軾入齊國而下其城賈誼上書伏匈奴而答其背乾元

元年詔遷遊騎將軍左威衛義陽府折衝都尉仍加上

柱國右羽林軍長上如故是歲也太子太師英國公登

壇以

集作而

拜鑿門而出紫泥明詔不入於三軍之中黃

石竒兵自行於九天之外山林為室不能有藩籬之險

魚鼈成橋不能有逃亡之路詔公出使預參帷幄進竒

策納嘉謀攘無臂而執無兵戰必勝而攻必取斬大風

之翼霧卷青丘卧長鯨之鱗煙銷碧海二年以平夷功

詔除定遠將軍右武衛中郎將檢校左羽林軍總章二

年詔遷宣威將軍守左武衛將軍檢校右羽林

集無此句襲

封成安男咸亨二年進爵為子尋奉別勅檢校右羽林

軍餘如故太夫人以桑榆晚節霧露沉疴減年歲之扶

危受皇天之集作星辰而賜藥屢陳表疏方請告歸頻降綵

綸未蒙優許則知忠臣奉上多從孝子之門受命臨戎

始見忘家之事潘安仁之豈弟始奉輕軒張景胤之純

深終悲畫扇儀鳳三年以內憂解職尋降詔起復本官

四年加雲麾將軍正除左武衛將軍檢校右羽林軍如

故王人奪服纔聞趙熹之喪明主相憂獨訝何曾之毀

且割哀而從禮將以義而斷恩受軍麾命服之數掌期

門飲飛之職以漢宮清署忽照邊烽秦塞長城遂聞胡

馬匈奴未滅霍去病是

集作所

以辭家天子動容周亞夫

於焉不拜調露元年詔公龍門鎮守兼於夏州防捍飲

冰受命倍道兼行鞍甲成勞晦明為疾璽書降下

集作問

即日追還中使接跡於家庭尚藥綢繆於錫賚人生詎

幾神道何知仰觀於天值三軍之星落俯察於地逢五

將之山崩詔書來北斗之門圖像在南宮之壁以三年

秋七月薨於紫桂宮右羽林軍之官第詔賜御食並錦被一張常服一襲雜采百五十段贈物一百段粟一百

石勅書弔贈禮越常班喪葬

集作

所資數優恒典琳琅

觸目日月在懷陶謙則戲引螭旗賈逵則常陳部伍閨門有德歡若友朋事君無隱心如鐵石至如出車授鉞東征西討孤虛向背則雖女子之衆可以當於丈夫前後折旋則雖婦人之兵可以陷於湯火免起而鳧舉龍騰而鳳飛無戰不平無城不尅有如馮異羞言大樹之

功宛

集作或

似魯連不受黃金之賞太平之事業行矣人

主之恩榮備矣山河之寵久預同盟社稷之臣俄悲輟
祭聖君興悼列辟相趨覩高屋而歎良弓聞鼓鼙而
思將帥宏圖秘畧寔無得而稱焉追遠飾終請有易其
名者謹狀永隆二年正月十一日故左武衛將軍成安
子府功曹某上尚書省考功名也者功之表也諡也者
行之跡也公叔文子曾辱四鄰之交黔婁先生有餘天
下之貴謹按故府主左武衛將軍上柱國成安子崔獻

誕靈辰昴降德山河漢陽閭忠許有良平之策潁川徐
庶知其管樂之才生覩太平仕逢明主秋風金鼓有司
馬之論兵吉日壇場有將軍之拜職任重而道遠功成
而身退奄息百夫之特彼蒼者天相如千載之人猶有

氣象

集作生
氣是

珠襦玉匣禮備於喪終筮短龜長事

集作
舊

從於先見

集作
遠

易名之道蓋取之於舊儀累德之文敢

一作
必希

集作
望

之於執事謹狀

常州刺史平原郡開國公行狀

王 勃

某州縣洪飈未翔靈鳳垂翼景雲不燭神龍宛頸豈非

時不可以苟遇道不可以虛行聖人作而萬物覩神功

資而百寶用集作興是以山川倒徙太階懷息亂之臣天

地搞華

疑離乖

元首佇康時之具則有得其數者於平原

公見之矣自呈虹沓祉開寶厯於軒圖雷電窈冥載休

徽

疑作徵

於魯識龍驥鳳起霸公存玉壘之雲紫蓋黃旌

旗

疑作

王迹著金陵之野故得卿才表秀壘彩駢蹤皂蓋

朱幡連州比郡公侯必復子孫承百代之基餘慶不忘

仁義應千齡之運公鼎門疏照穴岫翔輝分嶽秀於樊

侯稟辰精於傳說折旋儒館以六藝為笙簧軒翥翰林

用兩京為鼓吹經邦化俗涉游夏之門庭減竈麾兵得

孫吳之閫輿

一作城

皇天眷命聖武膺圖覩物懷人思功

去罪寰中有事曹參希執帛之榮閫外多虞周縶企中

軍

一作涓

之寵見危授命藏器及時攀鳳羽於九霄候龍

顏

一作鱗

於千里蕭王內寢頻獻雅誠韓信齊壇屢遷優

秩武德三年授中郎將俄遷大將軍秦王統軍皇基肇

闕天步猶難宸扈應上相之榮仙夢受中權之寄被廬
講將實賴宏圖今日僉謀光應時望于時美兵竊舉猶
勤甲冑吞沙餌石尚阻河梁公制變以竒盪除以殺七
擒三捷之畧緒著轅門拔旗穿札之能勲在盟府五年
六月加上柱國隨班列也剪桐疏爵分茅建社下斷物
土上格星躔唐虞著其升降周漢明其損益所以羽儀
帝室蕃衛王畿懲惡勸善庸賢叙德高祖勲逾黜夏業
擅戡黎置酒醴於南宮揚旌旆於東府建皇帝之號安

不忘危覽徹侯之籍榮而思報以公乃誠匪懈原始要
終望嚴雪而識寒松觀疾風而知勁草九年封望都縣
男貞觀元年改封縣侯文貌禁旅實著趨雄清道啟行
允茲多士自非譽高朝諷價重人謠仍虧博望之儀必
亂鈞陳之選公早陪戎律夙簡帝心揚歷二宮當仁不
讓授左衛中郎俄遷右虞侯率葱山狄壤一作蒲海蠻種
隄信要服之外區乃匈奴之右地境隣虵澤乘勁席疑
而鷗騰郡邇酒泉侯霄塵而鷄視天子乃停旒側瞻疑

負宸臆驚振洪策於古今溢嚴勲於覆載將使八紘昭
泰銀臺應益地之圖九縣平夷瑤水流尋仙之駕貞觀
某年授高昌道行營總管公道凝三畧功標五才逸氣
縱橫雄精貫月象物而動鼓聲肅戰士之容推信而行
歌舞表將軍之德裏糧坐甲輕死等於鴻毛投袂衝冠
重義均於熊掌鑿室歸惠荒度來賓繼鄭吉之前蹤復
張騫之故事廟堂頌德魏闕疇庸光贊六條非公莫可
某年授某州刺史尋以江池粵域衡霍名區楚情剽狡

吳風澆競火耕水耨郡闕婺女之精竦劍危冠人尋鯁
諸之弊分宣演化卧理切於宸襟易俗遷訛行吟佇於
人望貞觀某年遷睦州刺史政刑不匿考績連最俄授
使持節松州都督今上鈞臺嗣厯鼎邑凝圖百城勞晉
武之心千里揚漢宣之詔璽書加秩緡禮請藩綸煥增
班事高恒典永徽中改沙州刺史屬鼇山亂德鴻水稽
誅扶桑落日之濱妖朋蟻結孤竹尋雲之際孽黨蜂騰
百濟遺黎託懸巢而斬氣三韓別種附危幕而遊魂玉

帳蒐兵竹責芑茅之貢金壇令律將收楛矢之琛龍朔
年中授公熊津道惣管公昔從幕府早厠戎行覽兵法
於軒轅受陰陽於呂望三門五壘得破敵之奇謀大
艦雲梯惣行軍之妙法故得戰無全陣野靡堅城縱金
將躍馬暫臨銜壁與牽羊相繼豈惟秋方息亂遙聞定
遠之名春谷投心遐憑疑作想度遼之策若斯而已矣及
三軍獻捷諸將論功余嘉乃勲作鎮炎野授公廣州都
督改封平原公以迤鄰北戶地接南池珠崖魑魅之鄉

銅柱貪殘之境累藩斯寄歷任稱難於是受以春風臨
以夏日明冠婚於縣邑布庠塾於閭閻薤本誅強姦豪
屏氣崇陰察獄惇獨申哀理龔遂之亂繩解虞卿之錯
節黃霸得循良之譽績未銜於邊城陳湯有方面之勲
位不登於刺舉魚方具美其式茲乎朝廷以公屢參伯
牧駿歷班條吏不忍欺人無胥怨伏情馭極留連稷野
之童託義訓毗惆悵耶溪之老雖有黃槐紫棘無以易
堯盛嶽名都猶間借冠麟德元年改授金紫光祿大夫

常州刺史既而天機忽爽大漸彌留玉白徒烈金黃難

化

一作白玉徒
前黃金難化

台階側席方膺雉冕之尊玉女停機俄

逢鵲衣之變以某年某月日春秋若干薨于公舍嗚呼

哀哉惟公間氣呈姿靈和叶慶鳳鳴千仞鵬搏萬里情

關峻遠得意於衆妙之門性宇沉凝忘筌於毀譽之境

因心以至孝悌表於鄉閭臨義而行祿賜均於宗族故

得虬驟

一作
醜


蠖屈服冕乘軒臨涕

一作
漢

於締搆之辰游

梁於駭亂之際章溝霧闢曳鵞尾而晨趨甲館煙開奉

髦頭而夜警鳴鼙出塞進李牧之奇誠露冕巡方受蘇
章之直筆方當獻納黃屋揖拜青墀入東寺而掌壺處
南臺而曳履不謂歲舟夜涉負杖朝興丹丘之化未尋
玄扃之痛俄及故怨深徹樂悲纏罷市者乎謹狀



文苑英華卷九百七十一

欽定四庫全書

集部

文苑英華卷九百七十二至

五

詳校官庶亨臣龍廷槐

助教臣常循覆勘

總校官進士臣朱 銓

校對官助教臣黃昌禔

謄錄監生臣楊兆豐

欽定四庫全書

文苑英華卷九百七十二

宋 李昉等 編

行狀二

兵部尚書代國公郭震行狀一首

尚書祠部員外郎贈陝州刺史裴稹行狀一首

常州刺史獨孤及行狀一首

兵部尚書代國公贈少保郭公行狀

張說

公名震字元振本太原陽曲人也大父任相州湯陰令
因居于魏公少儻廓落有大志儀冠雄傑身長七尺
美鬚髯十六入太學與薛稷趙彥昭同業時有家僕至
寄錢四百千以為學糧忽有一人縷服叩門云五世未
葬棺柩各在一方今欲齊舉大事苦乏資用聞君家信
至頗能相濟否不問姓名以車載去一無所留深為趙
薛所誚公怡然曰濟彼大事亦何誚焉十八擢進士第
其年判入高等時輩皆以校書正字為榮公獨請外官

授梓州通泉尉至縣落拓不拘小節嘗鑄錢掠良人財
以濟四方海內同聲合氣有至千萬者則天聞其名驛
徵引見語至夜甚奇之問蜀川之跡對而不隱令錄舊
文乃上古劍歌其詞曰君不見昆吾鐵冶飛炎煙紅光
紫氣俱赫然良工煅煉凡幾日文粹鑄得寶劍名龍
泉龍泉顏色如霜雪良工咨嗟嘆奇絕琉璃玉匣吐蓮
花錯鏤金環生明月正逢天下無風塵幸且文粹用防
君子身精光黯黯青虵色文章片片綠龜鱗亦直結交

遊俠子亦曾親近英雄人那知

文粹作何日

中路遭棄捐零

落漂淪古獄邊雖則

文粹作復

沉埋無所用猶能夜夜氣衝

天則天覽而佳之令寫數十本遍賜學

一作勝

士李嶠閭

朝隱等遂授右武衛胄曹右控鶴內供奉尋遷奉宸監

丞屬吐蕃請和親令報命至境上與贊普相見宣國威

命責其翻覆長揖不拜瞋目視之贊普曰漢使多矣無

如公之誠信遠近疆界立談悉定因遺金數十斤而還

公悉以進上奏言揣彼上下之情人倦其隸役久矣咸

願早和大將論欽陵不爭四鎮獨不欲耳但國家每歲
不絕其使而欽陵常不稟命自然彼落

唐書
作蕃

之人怨欽

陵日深望國恩日甚設欲廣舉兵徒難矣斯乃公問之
微旨也必可使其上下俱懷猜阻矣則天甚然之無何
吐蕃君臣果相疑貳遂誅欽陵弟贊婆及其兄子莽布
支並來降公聲名籍甚授御史加朝散大夫遷主客郎
中吐蕃與突厥連和大入西河破數十城圍逼涼州節
度出城戰歿蹂禾稼米斗萬錢則天方御洛城門酺宴

涼州使至因輟樂拜公為涼州都督兼隴右諸軍大使
調秦中五萬人號二十萬以赴河西公至涼州吐蕃素
聞威名相謂曰我贊普猶懼吾輩何可敵乎相率而去
公收合餘衆繕脩城壁施法令屯田一年而復公之功
也公以涼州西拒吐蕃北有突厥久示其弱未揚天威
因徵隴右兵馬一百二十萬號二百萬集于湟州營幕
千里舉烽號令時宗楚客為相素與公不協令人告變
則天惶懼計無所出狄仁傑魏元忠韋安石李嶠宗璟

姚崇趙彥昭韋嗣立張說二十五人抗表請保如公有
異圖並請身死籍沒則天由是稍安兵既大集人又知
教分兵十道齊進過青海幾至贊普牙帳贊普屈膝請
和獻馬三千疋金三萬斤牛羊不可勝數公大張軍威
受其蕃禮而還既伏西戎震威朔漠突厥獻馬二千疋
所獲涼州人士皆放歸塞上從此方鎮肅清蕃落畏慕
令行禁止道不拾遺凡所規模制作率為後法河西隴
右十餘處置生祠堂立碑頌德閭立均等為其文尋有

詔許入朝公素無第宅寄居友人之舍候鼓入朝忽有
人馬前送狀開緘前人已去狀中唯有物數而無姓名
便於樹下獲騾馬二十餘疋帛三千疋公曰豈非大學
請葬之士乎因以買宅居止薛稷趙彥昭聞之皆嗟嘆
良久景龍年中宗楚客韋處訥等潛結朋黨憎功害能
授公驍騎大將軍兼安西大都護四鎮經畧使金山道
大總管時烏質勒久恃衆倨傲不屈朝廷縱兵遠掠道路
不通公以衆寡不敵難以力制因率麾下數十騎徑入

部落烏質勒大出兵衛出迎望見公威容端毅風鬣若
神不覺屈膝因而下拜公宣國威命抗聲與語自朝至
暮雪深尺餘竟不移足質勒頻拜伏語畢歸帳相去二
十餘里質勒久立雪中倉卒疾發是夜暴卒其嗣子娑
葛集諸將曰漢使殺我君父今須復讐大舉兵衆將追
殺公聞質勒死遲明素服來弔道路相逢兵圍數匝娑
葛見公忽來未之敢逼但言衛護漢使公至其帳下大
哭流涕因撫定其嗣蕃人大喜留數十日助其葬事娑

葛獻馬三千疋牛羊十餘萬移居千里西域無事道路
肅清諸蕃聞之遣使歸降者十餘國時人語之曰郭元
振詭殺烏質勒知娑葛與闐啜有釁奏請移於瓜州制
從之會中書令宗楚客受金遂寢其事公具以狀聞楚
客恃勢囑請召公將陷之公不從又奏請斬楚客清蕃
落時韋庶人竊弄國權中宗竟不之省也初安西南有
毒河源遠在葱嶺西北河岸百步人畜踏之者輒死公
威振西域所向無不從者因驗圖經知其源率兵三萬

人歷于闐康居大食等十餘國所過之國令供資糧仍
署其國王為左右總管率兵前進北至葱嶺牙帳前十
二國王兵百萬餘其河源上有大樹高千餘尺垂陰數
頃大軍至日有黃龍繞樹以口吐毒氣而拒官軍三軍
悉覩焉公手書操檄文令左拾遺張宣抗聲讀之畢黃
龍解樹而下公率諸軍誅之數日方倒聚而焚焉河源
且絕數十里內悉為良田在安西十餘年四鎮寧靜韋
庶人知政屢徵不至因下偽詔令侍御史呂守素中丞

馮家賓相繼巡邊欲將害之未及皆為娑葛等諸蕃劫殺之睿宗即位徵拜太僕卿勅至之日舉家進發安西士庶諸蕃酋長號哭數百里或務面截耳抗表請留因絀之而後即路其至玉門關也去涼州八百里河西諸州百姓蕃部落聞公之至貧者携壺漿富者設供帳聯綿七百里不絕公旌節下玉門關百姓望之宛轉叫呼聲動巖谷自朝至暮傳呼至涼州涼州城中男女在衢路並歌舞出城咸言我父至矣通夜城門不受禁制都

督司馬逸客聞之謂公近矣陳兵出迎會候騎至云始
入玉門關都督嗟嘆良久具狀聞至京同中書門下三
品加銀青光祿大夫遷兵部尚書封館陶縣男依

唐書
作吏

部尚書封館陶縣男依

舊知政事尋轉吏部尚書知選舉囑請不行大收草澤
睿宗屢下詔褒美後默啜大寇邊拜刑部尚書充朔方
道行軍大總管築豐安定遠等城以拒賊路尋加金紫
光祿大夫再遷兵部尚書知政事仍舊元帥會太平公
主竇懷貞潛結兇黨謀廢皇帝睿宗猶豫不決諸相皆

阿諛順旨惟公廷爭不受詔及舉兵誅竇懷貞等宮城
大亂睿宗步肅章門觀變諸相皆竄外省公獨登奉天
門樓躬侍睿宗聞東宮兵至將欲投于樓下公親扶聖
躬敦勸乃止及上即位宿中書十四日獨知政事因下
詔曰大臣立事夷險不易良相昇朝安危所繫兵部尚
書同中書門下三品上柱國館陶縣開國伯元振偉才
生代宏量匡時經綸文武今之王佐出入將相古之人
傑夙侍宸一作宸疇咨廟堂思致堯舜以期管樂朕往

在儲闈洎登寶位每觀其仗

制詞作聞

義感激願制

詞作別

凶

邪立誠慷慨密陳弘益爾其至矣朕寶嘉之頃者梟獍
興謀干戈作釁太上皇帝既命朕除討元振又馳奉宸
極始則賚予為弼終則寧朕問安可謂格于皇天貫于
白日元惡既剪庶物惟新昌言是圖朕豈忘舊宜開井
邑永誓山河可進封代國公賜實封四百戶物一千段
子五品官尋兼御史大夫天下行軍大元帥是歲大徵
兵衆閱武驪山兵一百萬號三

一作二十萬號二

百萬並奉公

節度是日三令之後上將親鼓公慮有大變因畧行禮
上大怒引坐燼下紫微令張說犯鱗而諫上乃曰元振
有保護大功宜捨軍法流新州未至屬開元元年冊尊
號赦曰元振往立大功保護於朕頃因閱武頗失軍容
責情放逐將收後效可饒州司馬未至卒於道時年五
十八有集二十二卷文章有逸氣為世所重公少負氣
縱橫遣意磊落作尉巴蜀不脩名檢及登朝受任屢使
遐方霜明烈心玉立貞節言行忠正居取儉約學術雜

於皇王致君期於堯舜公務之暇手不釋卷雖子弟家人未嘗見其喜怒前後上事切諫得失十數道俱焚其藁草不以語人故朝廷莫知也睿宗嘗曰元振正直齊於宋璟政理逾於姚崇其英謀弘亮過之矣舊於宣陽里居二十餘年不至諸院馬廐每朝回對二親言笑歸室儼如也不問家事與狄仁傑朱敬則魏元忠李嶠韋安石趙彥昭韋嗣立薛稷張說等為忘年之友事父母孝聞父受授濟州刺史後以為相奏請解職授銀青光

祿大夫濟州刺史致仕公歿後二親猶在自我唐受命
宰臣有二親者唯公而已

尚書祠部員外郎贈陝州刺史裴公行狀

獨孤及

曾祖仁基隋光祿大夫行左光祿大夫皇朝贈使持節
都督原州諸軍事原州刺史諡曰忠祖行儉皇朝銀青
光祿大夫守禮部尚書聞喜縣開國公贈太尉揚州大
都督諡曰獻父光庭皇朝光祿大夫侍中魚吏部尚書

正平縣開國公

集作男是

贈太師諡曰忠獻絳州聞喜縣崇

唐

集作慶

鄉太平里裴稹年若干行狀公天姿英拔德宇

宏曠颯印公器磊砢高節武庫森戟玉山照人起家以
門調補千牛備身歷太子通事舍人太常寺主簿是時
萬邦方乂獻公當國天子垂衣穆清以有天下而衮職
之闕疇咨之府公入則竭力出則匪躬外詢輿人以補
過庭之問陰薦多士用弘審官之選既而濟濟俊乂爛
盈東閣邦之得賢於斯為盛畫一之詩作而嘉魚之頌

興公之裕蠱也轉京兆府司錄事

集無此字

參軍輦轂之大

網轄之劇牒訴浩穰文墨填委公投及餘地而大卻斯

批若網

集作網是

在綱而衆目不紊談笑之隙簿領肅如論

者知逸倫

集作驥

之足方自此始開元二十一年忠獻公

捐館惇然在疚哀越乎禮會執事者醜正作福怙寵匿

怨乃因喪乘釁將逞憾于我言之如簧上亦投杼公乃

街恤進牘叫閣抗憤危言自明至誠旁感由是宗祏垂

祉高天聽迴恩方照徹尋

集作神

亦悔禍卒令臧孫有加

葬集作之禮集作公業有不亾之嘆公之克家也服闋

等

之禮

集作

公業有不亾之嘆公之克家也服闋

授起居郎載筆赤墀書法不隱開元二十四年三庶人以罪廢事出宮闈變生飛語時壽王以母寵子愛議者頗有奪宗之嫌道路憫然朝野疑懼公乃從容請問慷慨獻風集作上述新城之殷監下陳戾園之元龜謂興亡之由在廢立之地天子感悟改容以謝因命詔以給事中授公公曰陛下絕招諫之路為日故久今臣一言而荷殊寵則言者衆矣何以錫之上善其敏而多其讓

乃止不讓尋除尚書祠部員外郎恪居禮闈休問惟穆
弘濟之畧固為已任于時搢紳高義方以青雲期公不
弔昊天降此短歲開元二十九年某月日薨于私第春
秋若干君子謂公貂蟬之葉瑚璉之器壽不及黃耆名
不登明堂天其未亡狐趙之勲成宣之德也非昌其身
必大於後果介繁祉有才子四人長曰倩尚書駕部員
外郎兼殿中侍御史江西道租庸鹽鐵等使次曰倣尚
書司勳員外郎兼殿中侍御史叅中軍元帥雅王軍事

次日倚殿中侍御史試守萬年縣令次日侑太原

府掾次縣尉構厦環材切玉利器價敵三虎族橫

集作
擬是

八王朝廷褒之方倚以戎務元年春建辰月

肆大肯因命有司錄勲追舊於是詔贈公諫議大

夫猶以禮未超倫位不充德秋八月詔曰贈諫議

大夫裴某操履貞純器能溫敏素推令

集作
雅

望嘗

踐清班志業屈於當時風猷悲於既往顧其胤嗣
久在周行雖禮及前脩以申追遠而恩霑後命宜

有贈榮俾高列岳之班更表重泉之飾可贈使持
節陝州諸軍事陝州刺史禮也公天機超邁雅有
大畧氣直而溫性擾而毅貞乃

集作
可

幹事善足救

物外坦蕩豪舉朗然不羈內敦敏純固忠而能力

至若輕死重義貴身賤名視錢刀

集作
帛

如糞土戲

公卿若草芥其於履危險臨大節則氣冠賁育勁
侔風霜未嘗以得喪夷險芥于胸臆詩云昭明有
融高朗令終公實有焉謂宜荷天之休俾熾而大

龍泉未試隙駟先往天乎斯才而有斯壽今寵優

八命澤及九原已沐

集作伸

追遠之恩請遵易名之

典寶應二年某月某日故吏某官獨孤及謹狀上

尚書省考功夫存以行觀其志沒以諡表其德則賓

集作

名寶不虧美

集作善

惡知勸謹按故尚書祠部員外郎贈

使持節陝州諸軍事陝州刺史裴稹鼎鉉公族珪璋今

名孝克負荷忠能匡諫宏圖方壯利涉未息丹壑遽遷

音徽已昧

集作沫

命官褒德寵荷令章

集作合荷寵章

考行飾終

敢徵前典謹上

朝散大夫使持節常州諸軍事守常州刺史賜

紫金魚袋獨孤公行狀

梁肅

仲尼述易道於坤曰君子敬以直內義以方外詩三百
一言以蔽之曰思無邪公天生懿德外方內直氣茂才
全發為時文得大易之中詩人之正邈乎其不可及已
七歲誦孝經先祕書異其聰敏問曰汝志如何句公曰
立身行道揚名之義集作於後是所尚也後博究五經舉其

大畧而不為章句學確然有可大之業知者益噐之十

五祕書捐館公茹血

集作街恤

在疫踰時而後杖由是鄉黨

稱孝三

集作二是

十餘以文章游梁宋間通人潁川陳兼長

樂賈至渤海高適見公皆色授心服約子孫之契天寶

十三年

集作載

應詔至京師時玄宗以道蒞天下故黃老

教列於學官公以洞曉玄經對策高第解褐拜華陰尉

故

集有國字

相房琯方貳憲部請公相見公因論三代之質

又問

集作此

六經之指歸王政之根源憲部大駭曰非常

之才也趙郡李華扶風蘇源明並稱公為詞宗由是翰

林風動名振天下及函洛寇擾公違難於江南上元初

授左金吾兵曹掌都統江淮節度書記非其好也未幾

徵拜右

集作左

拾遺因上疏陳便宜及方鎮有冒于貨賄

舉直錯枉大者十餘事不行皆焚其藁時大盜之後百

度草創而太常典故尤所壞缺公為博士祇考古道酌

沿革之中凡有

集作無

損益莫不悉

悉字集作居其

當新平公主

之子裴倣尚永清公主公實相禮初以裴僕射遵慶主

婚中詔長主後夫姜慶代馬公奏曰婚姻人道之大使
異姓主之非禮也且無以示天下臣不敢奉詔上從之
又議定諡法公以為諡者蓋跡其事業邪正而褒貶之舉
一字可使賢不肖皆勸故其議呂裡盧奕郭知運等諡
皆叅用典禮約夫子之旨其事覈其文高學者傳示以
為式時有上議謂景皇帝未升尊位不宜為太祖詔下
百寮公按禮經以為王者禘其祖之所自出而以其祖
配之故三代皆以受命始封君配昊天上帝唯漢氏崛

起豐沛豐公太公皆無位無功德不可為祖宗故以高
帝為太祖若景帝肇啟王業建封于唐高宗因之遂以
有天下之號天所命也宜百代不遷因具故事條奏從
之於是郊廟之禮遂定踰月拜公尚書禮部員外郎遷
吏部每歲以書判試多士而朝列有以文學稱者必叅
校辨論定其甲乙丙科至是公分其任求為郡守以行
其道除濠州刺史公下車以淮士輕剽承兵革之後率
多不法長吏不能制遂先董之以威格之以政然後用

愷弟寬厚漸清其俗三年而闔境大穰優詔褒美移拜
舒州刺史又以行聞璽書就加朝散大夫檢校司封郎
中賜金印紫綬其明年吳楚大旱餓夫聚於萑蒲者十
七八唯舒安旱近者悅遠者來犬牙之境草竊不入上
聞之詔曰斷獄歲減流庸日歸以人俗之豐給當淮湖
之災旱爾守之力也擢拜常州刺史本州都團練使常
州為江左大郡兵食之所資財賦之所出公家之所給
歲以萬計公削其煩苛均其衆寡物有制事有倫刑罰

罕用頗類自息公又謂安人之道清而靜之則定為而
察之則擾故寬以居之仁以行之一變而百姓不知其
理又一變知其理而不知理之所由比及三年吏不忍
欺路不舉遺年穀屢熟一作成災害不作甲辰歲冬十月

二十日甘露降於庭樹二十七夕乃止嗚呼公庇斯一作

方人人方仰公彼天不惠降此大厲為郡之四載大厯

十二年四月壬寅晦暴疾斃于位行路慟哭罷市者相
弔踰月又吁嗟之聲相聞自寮屬相吏下逮鄉老里尹

皆率以備齋祭及葬之日總哀送喪者數千人唯公體

黃老之清淨苞大雅之明哲尊賢容衆而交不諂瀆本

仁祖義而文以禮樂乃至

集作至乃

溫良能斷應用不滯達

識足以表微厚德足以載物善而不伐光而不耀內不

機巧外無緇磷隕然中立豁若虛受其長人也先教愛

而後法禁不遷怒以臨下

集作拘

故威而不猛不私已以

欺人故易而無備其茂學博文不讀非聖之書非法之

言不出諸口非設教垂訓

集作法

之事不行於文字而達

言發辭若山嶽之峻極江海之波瀾故天下謂之文伯

有集二十卷行於代若藝文之士遭公發揚

集作揮

盛名

比肩於朝廷則有故中書舍人吳郡朱巨川中書舍人

渤海高叅今尚書左丞天水趙璟職方員外郎知制誥

博陵崔元翰考功員外郎潁川陳京禮部員外郎北海

唐次蘇州刺史高陽齊抗其章章者也其睦親與善自內

姻及朋友所知之家振窮分災恤孤哀喪頒祿歸贈必

加於常人一等故啓手足之日室無餘財惟四布

集作待賜

布然後乃斂議者於是謂公有文子之清子產
之仁史魚之直平仲之與人賈生之行義

集作文學

文翁之政事叔子之遺愛而不躋巖廊不享期
頤闕致君論道之美以遺史冊故凡百以為痛

在昔孔文子以敏而好學為文公叔發

集有廩字恐非

以恤衛國凶饑為惠矧公功存於人言垂於代有

文有質不忝先烈者與易名之禮請從令

集作舊

典謹狀

尚書考功伏以褒德尚賢設教之崇軌加諡易名飾終

之令典謹按故朝散大夫使持節常州諸軍事守常州
刺史賜紫金魚袋獨孤某蘊黃裳之服協中庸之德正
詞復禮施化為邦清風存乎省寺遺愛結於黎庶具美
之道何以尚茲寔窅既安音徽日遠請追公叔之謚式
播臧孫之列謹上

文苑英華卷九百七十二

欽定四庫全書

文苑英華卷九百七十三

宋 李昉等 編

行狀三

左僕射韓滉行狀一首

太子賓客盧邁行狀一首

國子祭酒韓洄行狀一首

檢校尚書左僕射同中書門下平章事上柱國

晉國公贈太傅韓公行狀 顧况

曾祖符皇朝潭陽郡太守祖大智皇朝河南府士曹參軍
贈吏部郎中父休皇朝銀青光祿大夫太子少保贈司

空

韓洄浞弟少保贈司徒二唐書
作行狀太子少師贈太子太師

諡文忠公京兆府萬

年縣洪固鄉曹貴里韓浞年六十五公繼代生賢左右

王室鄭武之賢韋平之美開元中解褐授右威衛騎曹參

軍丁文忠憂服闋授京兆府同官縣主簿又丁內憂孝

貫神明外除授太子通事舍人肅宗在靈武授監察御

史兼北海郡司馬充北海節度判官道阻未行除通州

刺史尋充山南西道採訪使判官時宰醜正除彭王府
諮議詔授除殿中侍御史累遷祠部考工吏部三員外
郎判南曹尋遷吏部郎中給事中兵部選事有盜殺富
平令倚為禁兵特詔釋之容䟽聞狀遂伏其罪遷尚書
左丞知吏部選事有擁馬陳詞造堦抗議曾不再煩主
吏重閱簿書片言遣之莫不心服拜戶部侍郎判官支
管諸道青苗稅戶屬國計空耗上難其人服勤九年出
利百倍左藏之錢至七百萬貫太倉之粟至數百萬斛

其邊儲或五六萬或十餘萬有附大臣間於先帝者引
劉向羊頭山黍云權量久差公曰山之南北地之肥瘠
禾黍不同會內藏有隋朝銅斛果不差異安邑解二縣
鹽池比歲水漲甚於往年有漫生紅鹽之瑞詔諫議大
夫檢覆并致祭祠宇號寶應靈慶池宣付史館拜太常
卿出為晉州刺史拜蘇州刺史充浙江東西都團練觀
察處置使尋加銀青光祿大夫改檢校禮部尚書兼御史
大夫潤州刺史鎮海軍節度使依前充浙江東西觀察

使令行風動無敢犯者自信安洪光東揚捍狼士僧惟
曉等結連數部熒惑愚眊破其巢窟伏戎自殪山越一
清管郡十五戶百萬里尹亭長書佐小史令丞牧守通
數萬人自公區處不朽之作乘輿播越畿甸路斷公日
遣一使間道齎帛表詣行在諸道未知行在營將士無
不引還唯公所遣兵鎮河南衝要堅守不退兵馬使董
晏將三千人鎮徐州部將沈清等頗違軍禁公遣一介
齎牒轅門答晏二十沈清等六十八人悉按軍令徐方

既定轉檢校吏部尚書加金紫光祿大夫封昌黎公改
封南陽天子幸梁川巴山道命判官何士幹領健步七
百負絞疑練十萬疋上獻天子六軍從官扈蹕千里時
屬維夏未頒春衣表至行在衆情大悅公又命從事裴
樞李倫徵巡內兵甲麾下將士合三萬人請翊衛鑿輿
收復京邑上深嘉歎特加檢校尚書右僕射李希烈衆
軍東下志吞淮濟公即日遣兵馬使王栖曜李長榮栢
良器以勁卒萬人泝流千里倍程救援纔及睢陽賊已

陷襄邑攻寧陵栖霞等突圍乘城矢中元惡兇徒懾遁不敢東顧淮南初喪節度使大將王侶帶甲數千夜犯城府或出權計者云江南兵至侶兵遂散殺戮甚多士卒驕矜爭邀厚賞率居人商旅五十萬緡符牒已行人情恟恟公即日遣都虞候李栖霞謂兵馬使張瑗等曰收復上都六軍未賞節使薨歿豈名為功賦斂擅興何人造意諸將引過橫調立停及大駕還都進封郡公時希烈盡銳攻陳州公命諸將與宣武軍合勢破賊數萬

人關中初復公以為國無年儲何禦荒儉陳園已解汴
路即通抗表請獻軍糧二十萬斛從本道直至渭橋公
命判官元友直草創運務部勒趨程時河中阻兵堅城
未拔闕河蝗旱軍食不足船至垣曲王師大振拜檢校
尚書左一作僕射同中書門下平章事加本道度支營
田充江淮轉運等使連歲蝗災仰在轉運公自晨及暮
立於江臯發四十七萬斛舳舻所至近遠慰安貞元元
年十一月十一日制曰江淮轉運使某官某勵精勤職

夙夜在公厥有成績可進封國公初封鄭改封晉前後
河南用兵解寧陵睢陽之圍全彭城要害之地朝廷議
勲特賜一子六品正員官又其軍鎮營宇舟船鞍馬甲
仗旗鼓羽革丹漆牛羊六畜難乎校筭應緣兩稅唯有
一勝人爭及限吏不到門今江南

關

於樵宋二年

冬十一月朝覲上深禮重委以大計加度支諸道鹽鐵
轉運等使待空巖穴方歸田里主恩彌深初願遂違顧
謂其族為當瀝肝膽身塗草莽上答乾坤時屬西北用

兵倉庫空竭公和糴五十萬斛無敢奪期米價遂賤防
秋士馬儲糗更無闕自公當漕運初年四十七萬二年
七十萬末年一百萬尚結贊者使六蕃抗言逆順之理
夷虜感動肝膽楚越張權者不敢惕息盜位者退而思
過貞元三年二月二十五日薨於昌化里私第春秋六
十五皇帝震悼輟朝三日制曰故某官某應運而生弼
諧于我道符兩曜德冠八元以武綏邊以文經國方期
難老一作續光式作一作茂宗臣孰謂不融盡瘁而沒雖鄭亡

子產衛失柳莊惜悼之懷豈過於此過時謂三字撫牀

增慟當展興嗟厚申徃祕之思載榮優贈之禮可贈太

傅前後賻贈布一千疋米粟五百石錢四百萬喪事官

供踐歷四朝歲逾五紀炎不執扇晝不伏枕疾無杖履

居必矜莊自同官主簿制一裘褐直為宰相古人無食

粟之馬衣帛之妾更爽之居不足多矣以沙門一行得

聖人之道特寫形仰影如宗師癖在春秋精於繫象賦

春秋七章著通例六卷并章奏詞畧十餘萬言豁如恒

星敦故舊重然諾好古博雅能書善畫夫議大勲者則
不書小善舉大德者則畧其細事故不殫論矣公有子
弟聞斯行諸不敢墜失况以賓客從事日久泣慕清塵
謹狀貞元三年閏五月十八日故金紫光祿大夫
檢校尚書左僕射同中書門下平章事晉國公故
吏將仕郎前大理寺司直顧况謹上尚書考功伏
以柱石元臣勲績光茂孝則先意承志忠則知無
不為武能禁暴文以經國翊贊聖明懋建和平沃

心造膝簡乎上長策橫疑作宏規振乎外奄從流運

恩軫睿慈今日日若馳松楸將樹易名之典請舉舊

章謹上

朝議大夫

集作朝議郎

守太子賓客上輕車都尉賜

紫金魚袋贈太子太傅盧公行狀

權德輿

曾祖勤嘉皇朝散大夫青州司馬隴城縣開國子祖克
明皇瀛州高陽縣令贈國子祭酒父沼皇陝州芮城縣

尉累贈慈州刺史秘書監河南府洛陽縣遵化鄉恭安里盧邁字子玄年六十狀公以仁為經以義為用窮四教之根本探六籍之菁華其門風士行天下歸重以居室之和移諸官署以率性之道弘於事業自解巾試吏至於佩相印不為利疚不為物遷令名豐祿與之終始推是道也年未志學累丁齊斬純孝孺慕外除猶毀博貫儒書不耀其華特為叔舅太傅文貞公之所賞鑒經明筮仕補太子正字藍田尉會府試言拔乎其萃轉河

南主簿尋有詔充集賢校理建中初上方靖端百度脩
起五諫拜右補闕俄換侍御史興元元年遷刑部員外
郎間一日又以本官兼侍御史介相國蕭公宣慰於江
淮奉憂勤之旨宣豈弟之澤四牡所及熙熙如春既復
命轉吏部員外郎每歲赴調者雜而多端廢置闕決在
於郎吏情偽之所仗姦利之所因攻堅未導大窺從容
折中優而集作而優為之又以京師食貧諸孤衣食為念求
出為滁州刺史仁惻之政人到于今懷之朝廷嘉其理

行徵入為司門郎中自時厥後比歲超拜歷諫議大夫左曹右轄乃叅大政皆用德進人無異詞間一歲遷中書侍郎平章事又一歲感風痺寢疾周月除太子賓客貞元十四年六月某日薨於家追命太子太傅公寬舒弘重有姿度風表而憲章品式故事成法經通縝密靡不周貫居諫諍之官言必削橐自非成命頒行而人莫知者又嘗以考課之法溢美相蒙革其已然當自二府時居左垣固辭上第宰政嘆其能讓因以從之庶官之

濫者知懼而百職脩矣。燮和台階，秉直閑邪，率循中庸。左右皇極，德輝陶然，不見其際。詩曰：衣錦褱衣，裳錦褱裳。惡其文之著也。公誠有之，不然，豈移疾家居者旬歲。上章乞告者七，反然後得請。至於飾終，追錫有加禮焉。此固有以異於常而得之也。早歲以遊寓於集作于南譙，與崔文貞公講學。至穀梁傳，因附經義，有以規者，文貞慙歎為之，著重請銘。且曰：吾以爾為甥，亦以爾為友。知免於大過矣。其推重如此。天性篤於慈仁，厚於情禮，每

居功總之喪其於言而不議議而不及樂率皆容稱其服而有加焉故事宰臣非上公承攝之禮園丘齋祠之敬則未嘗以騶騎導出國門者公從父弟歿於蜀都輶車之來道秦赴洛出東門十數里以展哀送度越常檢名教多之其居郟也叔父下邳令休沐至止朋來懂懂侍食佐酒彌日通夕與羣從之少者冠者均其指使章紱之外無以異焉再娶無子或以嗣不可絕諭之他求者則曰吾舅文貞嘗

集作帝

言之矣兄弟之子猶子也引

而進之可以主後事

集無此字

故自成童至於捐館其所留

於

集作于

聰明接於心術者中正之外無自入焉歷官俸

賜必振六姻之乏即遠裳帷唯資四布之賻季文之
廉忠張仲之孝友魏舒之弘粹孔光之慎密蕪而
具之日月有時盍徵諡法用是傳信移諸有司謹
狀貞元十四年九月十四日故吏朝議郎守尚書
司勳郎中知制誥雲騎尉賜緋魚袋權德輿謹上
尚書考功有易名本於周道必視其行勸孰甚焉謹按

故朝議大夫守太子賓客贈太子太傅盧公德範顯昂
如大圭彛器閨門風訓儀表人倫乃持國鈞以鎮雅俗
絜矩居易有初有終瞻彼九原既先徵遠之卜節其一
惠敢忘至公之議謹上

大中大夫守國子祭酒潁川縣開國男賜紫金

魚袋贈戶部尚書韓公行狀 前人

曾祖符皇潭陽郡太守祖大智皇河南府士曹叅軍贈
吏部郎中父休皇太子少保贈司徒諡文忠公京兆府

萬年縣芙蓉鄉龍遊里韓洄年六十三狀公字幼深其
先潁川之人自同姓於周受封於韓逮獻子而為正卿
至景侯而開列國司馬氏代家言之詳矣公大祖播徙
居潁川繼有勲力代名忠孝以至文忠公用醇仁清
德左右玄宗致中和以為國經躬愷悌以為家法公纂
承茂緒幼有令聞直方簡重博厚弘大該涉羣書尤治
春秋詩禮之學必睹其奧而踐乎中未弱冠以門蔭補
弘文生滿歲叅調侍郎達異恂

唐書
作珣

矯枉過正以地望

降資署章懷太子陵令且將察其詞氣以為銓藻公恬然受署初無愠容當時識者知其致遠天寶末盜陷西

集作

京兄姪七人遭離不淑茹痛違難寓于江南布衣

蔬食不聽聲樂者積六七年友弟行義士林以為難翹車辟書旁午而至累授漢中郡江陵府二功曹大理司直兼漢中郡司馬蘇州司馬且皆有賓介之請所至之邦待公政成甘於粗集作糲聚其祿廩辦其治葬具歸于京師七喪祔窆禮無違者名教之士翕然稱之洪州

刺史張鎬以故相之重作鎮江西奏授本州長史莫徠
副使懷來夷落嚮方率教乾元中江淮凶饑相扇嘯聚
而新安郡負山洞之阻為害特甚朝廷推其能名除睦
州別駕知州事俄拜監察御史又轉殿中侍御史賜緋
魚袋充江西都團練判官軍州庶政多所訪決歲餘張
終于位公主介領留務時吳楚剽輕法禁未一每長史
交代人心輒搖公臨以威重撫以慈惠輯寧所集作部
以待守臣李良公峴之充江淮選補使也引于判官多

所弘益大厯初轉運使留尚書晏盛選從事分命四方
而江淮上流為之樞會奏改屯田員外郎兼侍御史知
揚子留後累歲寵集作就加司封郎中肅給而有守清明

而中節有司之移用不匱上國之經費有倫六七年間
號為稱職名實益茂徵拜諫議大夫數與左補闕李翰
連上封章極言得失未幾以本官知制誥叅掌宥密式
敷聲明炳然訓辭潤色王度時元載持衡深相器重公
愈不自安每因災眚必疏古議集作義且以西漢賜上尊

酒之比深傲

集作
警

戒之元終不悟竟及於禍公以謗

集作

旁累貶邵州司戶今上踐位勵精理本微為淮西淮南

等道黜陟使復拜諫議大夫攝衣登車以澄清風俗為

已任未及行拜權判戶部侍郎專判度支賜金印紫綬

先是公兄太傅忠肅公實居其任受邦國之比要制財

用之均節物力不絀王府以充出牧也厥職寢

集作
寢

廢

公乃革煩政振舊綱既無暴征亦無遺利罷省胥吏冗

食者二十餘人明年太府卿張獻恭廣廩庫以受歲抄

量入之數又於長安萬年二縣界奏貯米穀數十萬石
視年之豐耗而為之發斂人無艱食歲無災荒雖元凱
之智畧壽昌之功利不是過也上方待

集作倚

以大任為

執事者所抑出為蜀州刺史蜀多大災自古所患俗以
為常無所懲禁公到部

集作郡

逾月令簡事時里胥不勞

州兵多暇乃省經用之費給太半之庸俾其埏埴以易
蓬革輦飛鳥革相望如雲授之逾年乃償其直三歲在
郡四封恬然闢田之汙萊三千餘頃復人之庸亡二千

餘戶教之樹藝俾之生植井絡之下至於今懷之朝廷

陟明奏

集作表

課公實居最有詔徵還既至拜兵部侍郎

在職數月遷京兆尹兼御史大夫三輔難理轂下尤甚
賊泚之後旱蝗相乘連師十餘萬屯于蒲坂戎裝兵馬
仰給京師內安罷毗外贍軍實師克濟而人不困公之
力焉轉刑部侍郎刑罰者國之大典所以禁暴而衛善
人也而或巧詆比况因緣為奸公講求紀律明為式例
悉以條奏頒於四方吏無舞文人得從善矣遷祕書監

乃奏置五經正本補羣書之缺蓬閣之中粲然如初復
除兵部侍郎累歲改國子祭酒自兵興已來多趨未流
而棄夷闕故學者不振而子衿之詩作焉公曰崇化勵

賢本於六籍不殖將落吾其憂乎乃表名儒袁顒韋渠
牟列於學官講左氏春秋小戴禮摳衣鼓篋之徒溢于
國庠講誦之聲如在洙泗公所至必化其用無方方將
荷介祉以錫難老亮天工以繢舊服人望未塞以貞元
十年二月九日寢疾終於昌化里之私第皇情軫悼追

贈戶部尚書哀榮之禮於公備矣公有識度風鑒而博
愛容衆與朋友交死生以之明於吏職能斷大事疏達
而有節粹和而不流約身以周急潔已而恕物先師四
教克蹈其全中臺六職常居其半無忌之鎮靜安國之
忠厚延壽之恩信惟公兼而有之允所謂邦之才臣終
溫且惠者也龜筮叶吉日月有期易其名者請徵舊典
謹狀三月日故大中大夫守國子祭酒潁川縣開國男
賜紫金魚袋贈戶部尚書韓公故吏某官某謹狀

集作上

尚書考功夫士之生也躬五常以致用其歿也節一惠以尊名則善否有章賓實不撓謹按故韓公嗣直方於舊德播功行於清朝通而有守忠而能力樹善匪懈好謀而成課績中臺道光太學大雅明哲惟公有之考行飾終古先令典謹撰錄所履布諸有司請徵叔發之諡以協周公之法謹上

文苑英華卷九百七十三